

ՀԻՄՆԱՎՈՐՈՒՄ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ԲՅՈՒՐԵՂԱՎԱՆ ՀԱՄԱՅՆՔԻ ԿԱՄԱՎՈՐ ԽՆԴԻՐՆԵՐԸ, ԴՐԱՆՑ ԼՈՒԾՄԱՆՆ ՈՒՂՂՎԱԾ ՍԵՓԱԿԱՆ ԼԻԱԶՈՐՈՒԹՅՈՒՆՆԵՐԸ, ԴՐԱՆՑ ԻՐԱԿԱՆԱՑՄԱՆ ԿԱՐԳԸ ԵՎ ՀԱՄԱՅՆՔԻ ՍՈՑԻԱԼԱԿԱՆ ԱԶԱԿՑՈՒԹՅԱՆ ՎԵՐԱԲԵՐՅԱԼ ԿԱՄԱՎՈՐ ԽՆԴԻՐՆԵՐԻ ԼՈՒԾՄԱՆ ԶԱՓՈՐՈՇԻՉՆԵՐԸ ՍԱՀՄԱՆԵԼՈՒ ՄԱՍԻՆ» ԲՅՈՒՐԵՂԱՎԱՆ ՀԱՄԱՅՆՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Սույն նախագծի ընդունման անհրաժեշտությունը պայմանավորված է «Տեղական ինքնակառավարման մասին» Հայաստանի Հանրապետության օրենքի 10-րդ հոդվածի 10-րդ՝ համայնքի կամավոր խնդիրները, դրանց լուծմանն ուղղված սեփական լիազորությունները և դրանց իրականացման կարգը սահմանվում են ավագանու որոշմամբ, և 11-րդ՝ սոցիալական աջակցության վերաբերյալ կամավոր խնդիրները լուծվում են համայնքի ավագանու սահմանած չափորոշիչներով, մասերի, ինչպես նաև 18-րդ հոդվածի 1-ին մասի 7-րդ կետի՝ համայնքի ավագանին սույն օրենքով սահմանված կարգով սահմանում է համայնքի կամավոր խնդիրները, դրանց լուծմանն ուղղված սեփական լիազորությունները և դրանց իրականացման կարգը՝ համայնքի ղեկավարի ներկայացմամբ, պահանջները կատարելու հանգամանքով:

Որոշման նախագծով առաջարկվում է սահմանել Հայաստանի Հանրապետության Կոտայքի մարզի Բյուրեղավան համայնքի կամավոր խնդիրները, դրանց լուծմանն ուղղված սեփական լիազորությունները և դրանց իրականացման կարգը՝ համաձայն հավելված N 1-ի, և Հայաստանի Հանրապետության Կոտայքի մարզի Բյուրեղավան համայնքի սոցիալական աջակցության վերաբերյալ կամավոր խնդիրների լուծման չափորոշիչները՝ համաձայն հավելված N 2-ի:

Հավելված N 1

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ԲՅՈՒՐԵՂԱՎԱՆ ՀԱՄԱՅՆՔԻ ԿԱՄԱՎՈՐ ԽՆԴԻՐՆԵՐԸ, ԴՐԱՆՑ ԼՈՒԾՄԱՆՆ ՈՒՂՂՎԱԾ ՍԵՓԱԿԱՆ ԼԻԱԶՈՐՈՒԹՅՈՒՆՆԵՐԸ ԵՎ ԴՐԱՆՑ ԻՐԱԿԱՆԱՑՄԱՆ ԿԱՐԳԸ

1. Սույն կարգով կարգավորվում են Հայաստանի Հանրապետության Կոտայքի մարզի Բյուրեղավան համայնքի (այսուհետև՝ համայնքի) կամավոր խնդիրների, դրանց լուծման նպատակով համայնքի տեղական ինքնակառավարման մարմինների սեփական լիազորությունների և այդ լիազորությունների իրականացման հետ կապված հարաբերությունները:

2. Համայնքի կամավոր խնդիրներն են՝

1) համայնքում սոցիալական աջակցության կարիք ունեցող անձանց և ընտանիքների (զոհված զինծառայողների, պատերազմի վետերանների, հաշմանդամների, կերակրողին կորցրած ընտանիքների և այլն) հայտնաբերումը և սոցիալական օգնության տրամադրման կազմակերպումը,

- 2) համայնքային ենթակայության օբյեկտների անվտանգ աշխատանքն ապահովելու կազմակերպումը,
- 3) աջակցություն համայնքում զբոսաշրջային կառույցների և ենթակառուցվածքների ստեղծման, ինչպես նաև զբոսաշրջության զարգացմանը միտված ծրագրերի իրականացմանը,
- 4) համայնքում երիտասարդության դերի բարձրացումը, երիտասարդական խնդիրների լուծմանն ուղղված ծրագրերի իրականացումը,
- 5) աջակցություն համայնքում արհեստների, ժողովրդական ստեղծագործության և գեղարվեստական ինքնագործունեության զարգացմանը,
- 6) աջակցություն համայնքում ֆիզկուլտուրայի և սպորտի զարգացմանը,
- 7) հանգստի, հանրային վայրերի, մարզական հրապարակների, հանգստի գոտիների խնամքի և պահպանության կազմակերպումը,
- 8) համայնքի ուսումնական հաստատությունների գործունեության աջակցումը,
- 9) աջակցություն քաղաքացիական պաշտպանության մարմինների գործունեությանը,
- 10) սոցիալական նշանակության այլ օբյեկտների շինարարության և կապիտալ նորոգման իրականացումը,
- 11) համայնքային ենթակայության ճանապարհների, ճանապարհային երթևեկության կազմակերպման կահավորանքի ու այլ տեխնիկական միջոցների, կամուրջների և ինժեներական այլ կառույցների պահպանման և շահագործման կազմակերպումը,
- 12) համայնքի սեփականություն հանդիսացող հողամասերի բարելավման աշխատանքների իրականացումը,
- 13) գյուղատնտեսական զարգացման ծրագրերի իրականացման կազմակերպումը,
- 14) համայնքում տնտեսական գործունեություն նախաձեռնողների ծրագրերի և նրանց գործունեության իրականացման աջակցությունը,

3. Սույն կարգում թվարկված կամավոր խնդիրները սպառնիչ չեն:

4. Համայնքի կամավոր խնդիրների լուծման նպատակով համայնքի տեղական ինքնակառավարման մարմինները իրականացնում են հետևյալ սեփական լիազորությունները՝

- 1) միջոցներ են ձեռնարկում հայտնաբերելու սոցիալական աջակցության կարիք ունեցող անձանց և ընտանիքներին (զոհված զինծառայողների, պատերազմի վետերանների, հաշմանդամների, կերակրողին կորցրած ընտանիքների և այլն)՝ սոցիալական օգնության տրամադրման համար,
- 2) կազմակերպում են համայնքային ենթակայության օբյեկտների անվտանգ աշխատանքը,
- 3) խթանում են զբոսաշրջային կառույցների և ենթակառուցվածքների ստեղծմանը, ինչպես նաև զբոսաշրջության զարգացմանը միտված ծրագրերին,
- 4) աջակցում են համայնքում երիտասարդության դերի բարձրացմանը, երիտասարդական խնդիրների լուծմանն ուղղված ծրագրերի իրականացմանը,
- 5) աջակցում են համայնքում արհեստների, ժողովրդական ստեղծագործության և գեղարվեստական ինքնագործունեության զարգացմանը,

- 6) աջակցում են համայնքում ֆիզկուլտուրայի և սպորտի զարգացմանը,
- 7) կազմակերպում են հանգստի, հանրային վայրերի, մարզական հրապարակների, հանգստի գոտիների խնամքը և պահպանումը,
- 8) աջակցում են համայնքի ուսումնական հաստատությունների գործունեությանը,
- 9) աջակցում են քաղաքացիական պաշտպանության մարմինների գործունեությանը,
- 10) աջակցում են սոցիալական նշանակության այլ օբյեկտների շինարարության և կապիտալ նորոգման իրականացմանը,
- 11) կազմակերպում են համայնքային ենթակայության ճանապարհների, ճանապարհային երթևեկության կազմակերպման կահավորանքի ու այլ տեխնիկական միջոցների, կամուրջների և ինժեներական այլ կառույցների պահպանումը և շահագործումը,
- 12) իրականացնում են համայնքի սեփականություն հանդիսացող հողամասերի բարելավման աշխատանքները,
- 13) կազմակերպում է գյուղատնտեսական զարգացման ծրագրերի իրականացման աշխատանքները,
- 14) աջակցում են համայնքում տնտեսական գործունեությունը նախաձեռնողների ծրագրերին և նրանց գործունեության իրականացմանը:

5. Մինչև համայնքի տվյալ տարվա բյուջեի հաստատումը, համայնքի ղեկավարը համայնքի ավագանու հաստատմանն է ներկայացնում համայնքի բյուջեից ֆինանսավորում պահանջող կամավոր խնդիրների իրականացման նպատակով, տվյալ տարում իրականացվելիք կամավոր խնդիրների ցանկը և դրանց կատարման համար անհրաժեշտ ծախսերը:

6. Համայնքի ավագանին, ելնելով համայնքի բյուջեի հնարավորություններից, որոշում է տվյալ տարում կամավոր խնդիրների համար հատկացվող ընդհանուր գումարի և յուրաքանչյուր կամավոր լիազորության իրականացման համար անհրաժեշտ հատկացման չափը, ընդ որում յուրաքանչյուր տարվա համար հատկացվող ընդհանուր ֆինանսական միջոցները չեն կարող գերազանցել համայնքի այդ տարվա բյուջեով նախատեսված սեփական եկամուտների 10%-ը:

7. Համայնքի ավագանու որոշմամբ ընթացիկ տարում կամավոր խնդիրների լուծման նպատակով հատկացված ընդհանուր գումարի սահմաններում մի կամավոր խնդրի լուծման համար հատկացված գումարը կարող է ուղղվել մեկ կամ մի քանի այլ կամավոր խնդիրների իրականացմանը:

8. Համայնքի ղեկավարի կողմից կամավոր խնդիրների լուծման համար ֆինանսական և գույքային միջոցներ չպահանջվելու դեպքում համայնքի ղեկավարը դրանք կարող է իրականացնել ինքնուրույն և սեփական պատասխանատվությամբ:

9. Հրատապ լուծում պահանջող դեպքերում համայնքի ղեկավարը իրավունք ունի համայնքի սեփական լիազորության իրականացման համար ֆինանսական միջոցներ հատկացնել ինքնուրույն և սեփական պատասխանատվությամբ, այդ մասին հաղորդում տալով առաջիկա ավագանու նիստում:

10. Կամավոր խնդիրների և դրանց լուծման իրականացման հետ կապված առաջարկություններ կարող են նախաձեռնել համայնքի ղեկավարը, համայնքի ավագանու անդամները, բնակիչները, հասարակական կազմակերպությունները և միավորումները, ինչպես նաև քաղաքացիական հասարակության այլ ինստիտուտներ:

11. Խնդրի կարգավորման համար անհրաժեշտ ֆինանսական միջոցների չափը և անհրաժեշտության հիմնավորումը հավաստող փաստաթղթեր, եթե դրանք առկա են, նախաձեռնողը համայնքի ղեկավարի քննարկմանն է ներկայացնում խնդրի լուծման իրականացման վերաբերյալ առաջարկությունը՝ նշելով դրա նպատակը:

12. Համայնքի ղեկավարը առաջարկությունը և կից ներկայացված փաստաթղթերն ստանալուց հետո՝
1) առաջարկությանը համաձայնվելու դեպքում՝ մեկամսյա ժամկետում ճշտում է դրանց արժանահավատությունը, հաշվարկում կամավոր խնդրի իրականացման համար անհրաժեշտ գումարի չափը և առաջարկությունը նախաձեռնողի ներկայացրած փաստաթղթերի և ավագանու որոշման համապատասխան նախագծի հետ ներկայացնում է համայնքի ավագանու քննարկմանը՝ արդյունքների մասին տեղեկացնելով նախաձեռնողին: Անհրաժեշտության դեպքում ավագանու նիստին կարող է հրավիրվել նախաձեռնողը,
2) առաջարկությանը չհամաձայնվելու դեպքում համայնքի ղեկավարը նախաձեռնողին գրավոր տեղեկացնում է այդ մասին՝ նշելով դրա պատճառները, փաստական և իրավական հիմքերը:

13. Սույն կարգի համաձայն համայնքի ավագանին ներկայացված կամավոր խնդրի լուծման հարցը քննարկում է ավագանու նիստում և ընդունում է համապատասխան որոշում՝ կամավոր խնդրի լուծման իրականացման համաձայնություն տալու կամ մերժելու վերաբերյալ:

14. Համայնքի կամավոր խնդիրների լուծման իրականացման համար համայնքի ավագանին կարող է ստեղծել մշտական կամ ժամանակավոր հանձնաժողովներ:

15. Համայնքի կամավոր խնդիրների և դրանց լուծմանն ուղղված սեփական լիազորությունների՝ սույն կարգով չկարգավորված հարցերը կարող են կարգավորվել միայն համայնքի ավագանու առանձին որոշումներով:

Հավելված N 2

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ԲՅՈՒՐԵՂԱՎԱՆ ՀԱՄԱՅՆՔԻ
ՍՈՑԻԱԼԱԿԱՆ ԱԶԱԿՑՈՒԹՅԱՆ ԿԵՐԲԵՐՅԱԼ ԿԱՄԱԿՈՐ ԽՆԴԻՐՆԵՐԻ ԼՈՒԾՄԱՆ
ՉԱՓՈՐՈՇԻՉՆԵՐԸ**

1. Հայաստանի Հանրապետության Կոտայքի մարզի Բյուրեղավան համայնքի կողմից սոցիալական աջակցություն տրամադրվում է համայնքի բնակիչների դիմումների հիման վրա համայնքի ղեկավարի որոշմամբ: Սոցիալական աջակցության տրամադրման անհրաժեշտ նախապայմաններն են.

1) համայնքի բնակիչ հանդիսանալը,

2) սոցիալապես անապահով ընտանիքի կողմից համայնքի բյուջեի նկատմամբ հարկային պարտականությունների բարեխիղճ կատարումը և սոցիալական օգնության տրամադրման դիմումի ներկայացման ժամանակ տեղական հարկերի, տուրքերի, վարձավճարների պարտք չունենալը,

3) համայնքապետարանում գործող՝ համայնքում սոցիալական խնդիրների ուսումնասիրման հանձնաժողովի /այսուհետ՝ Հանձնաժողով/ դրական եզրակացությունը:

2. Համայնքի բնակիչների սոցիալական խնդիրների վերհանման, համայնքի ղեկավարին ուղղված սոցիալական բնույթի դիմումների քննարկման, դիմումներում ներկայացված խնդիրների և դիմումատուների կյանքի պայմանների ուսումնասիրության նպատակով ստեղծված Հանձնաժողովը ուսումնասիրում է ներկայացված դիմումը և տալիս համապատասխան եզրակացություն:

3. Հրատապ լուծում պահանջող առանձին դեպքերում համայնքի ղեկավարը կարող է կայացնել սոցիալական օգնության հատկացման որոշումներ ինքնուրույն և սեփական պատասխանատվությամբ:

4. Սոցիալական աջակցությունը ըստ հնարավորության կարող է տրամադրվել դրամական օգնության տեսքով:

5. Սոցիալական աջակցության տրամադրման որոշումներ կայացնելիս գործում են հետևյալ չափորոշիչները՝

1) զոհված, հաշմանդամ դարձած ազատամարտիկների ընտանիքներ,

2) բազմազավակ ընտանիքներ /3 և ավելի անչափահաս երեխա ունեցող/,

3) միակողմանի կամ երկկողմանի ծնողազուրկ երեխաներ ունեցող անապահով ընտանիքներ,

4) 1-ին կամ 2-րդ խմբի հաշմանդամություն ունեցող անձինք և հաշմանդամ ծնողներ կամ երեխաներ ունեցող անապահով ընտանիքներ,

5) գործազուրկի կարգավիճակ ունեցող անապահով անձինք,

6) առողջական խնդիրներ ունեցող /վիրահատության կամ թանկարժեք բուժման ենթակա/ անապահով անձինք,


7) ընտանիքի անդամի հուղարկավորության կազմակերպման համար դրամական օգնության կամ տրանսպորտի տրամադրման խնդրանքով դիմած անապահով անձինք,

8) սոցիալապես խոցելի խմբեր և այլ դեպքեր:

6. Սոցիալապես անապահով ընտանիքներին կամ անձանց հատկացվող մեկանգամյա սոցիալական օգնության առավելագույն չափը սահմանվում է 50 հազար դրամ: Նույն ընտանիքին կամ անձին տարվա ընթացքում սոցիալական օգնություն կարող է հատկացվել առավելագույնը 2 անգամ:

7. Առանձին բացառիկ դեպքերում Հանձնաժողովի առաջարկության հիման վրա համայնքի ղեկավարը կարող է կայացնել սոցիալական օգնության՝ սույն կարգով չնախատեսված եղանակով և չափով տրամադրման որոշումներ, այդ մասին հաղորդում տալով առաջիկա ավագանու նիստում:

ՀԱՄԱՅՆՔԻ ՂԵԿԱՎԱՐ



Հ. ԲԱԼԱՍՅԱՆ

ՏԵՂԵԿԱՆՔ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ԲՅՈՒՐԵՂԱՎԱՆ ՀԱՄԱՅՆՔԻ ԿԱՄԱՎՈՐ ԽՆԴԻՐՆԵՐԸ, ԴՐԱՆՑ ԼՈՒԾՄԱՆՆ ՈՒՂՂՎԱԾ ՍԵՓԱԿԱՆ ԼԻԱԶՈՐՈՒԹՅՈՒՆՆԵՐԸ, ԴՐԱՆՑ ԻՐԱԿԱՆԱՑՄԱՆ ԿԱՐԳԸ ԵՎ ՀԱՄԱՅՆՔԻ ՍՈՑԻԱԼԱԿԱՆ ԱԶԱԿՑՈՒԹՅԱՆ ՎԵՐԱԲԵՐՅԱԼ ԿԱՄԱՎՈՐ ԽՆԴԻՐՆԵՐԻ ԼՈՒԾՄԱՆ ԶԱՓՈՐՈՇԻՉՆԵՐԸ ՍԱՀՄԱՆԵԼՈՒ ՄԱՍԻՆ» ԲՅՈՒՐԵՂԱՎԱՆ ՀԱՄԱՅՆՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ

«Հայաստանի Հանրապետության Կոտայքի մարզի Բյուրեղավան համայնքի կամավոր խնդիրները, դրանց լուծմանն ուղղված սեփական լիազորությունները, դրանց իրականացման կարգը և համայնքի սոցիալական աջակցության վերաբերյալ կամավոր խնդիրների լուծման չափորոշիչները սահմանելու մասին» Բյուրեղավան համայնքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտությունն չի առաջանում:

ՀԱՄԱՅՆՔԻ ՂԵԿԱՎԱՐ

Հ. ԲԱԼԱՍՅԱՆ

ՏԵՂԵԿԱՆՔ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ԲՅՈՒՐԵՂԱՎԱՆ ՀԱՄԱՅՆՔԻ ԿԱՄԱՎՈՐ ԽՆԴԻՐՆԵՐԸ, ԴՐԱՆՑ ԼՈՒԾՄԱՆՆ ՈՒՂՂՎԱԾ ՍԵՓԱԿԱՆ ԼԻԱԶՈՐՈՒԹՅՈՒՆՆԵՐԸ, ԴՐԱՆՑ ԻՐԱԿԱՆԱՑՄԱՆ ԿԱՐԳԸ ԵՎ ՀԱՄԱՅՆՔԻ ՍՈՑԻԱԼԱԿԱՆ ԱԶԱԿՑՈՒԹՅԱՆ ՎԵՐԱԲԵՐՅԱԼ ԿԱՄԱՎՈՐ ԽՆԴԻՐՆԵՐԻ ԼՈՒԾՄԱՆ ԶԱՓՈՐՈՇԻՉՆԵՐԸ ՍԱՀՄԱՆԵԼՈՒ ՄԱՍԻՆ» ԲՅՈՒՐԵՂԱՎԱՆ ՀԱՄԱՅՆՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԲՅՈՒՐԵՂԱՎԱՆ ՀԱՄԱՅՆՔԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ

«Հայաստանի Հանրապետության Կոտայքի մարզի Բյուրեղավան համայնքի կամավոր խնդիրները, դրանց լուծմանն ուղղված սեփական լիազորությունները, դրանց իրականացման կարգը և համայնքի սոցիալական աջակցության վերաբերյալ կամավոր խնդիրների լուծման չափորոշիչները սահմանելու մասին» Բյուրեղավան համայնքի ավագանու որոշման նախագծի ընդունմամբ Բյուրեղավան համայնքի 2018 թվականի բյուջեում եական փոփոխություններ չեն նախատեսվում:

ՀԱՄԱՅՆՔԻ ՂԵԿԱՎԱՐ

Հ. ԲԱԼԱՍՅԱՆ

Հայրենիքի միության և Կրթության